



# **Mahôla M'a Niôl Ngi**

Ntilga Ni Watson Goodman

Likebla li yanga—  
I babe nyunga

## **MAHÔLA M'A NLÔL NGI**

**A yé hi baaga hi mañ kaat hi nunda we minlôn mi kaat NYAMBE. Bi tilna bi pumbi mbogog i kété mino mi mam, inyule banga ndoñol kaat NYAMBE i yé kaat NYAMBE yo mede. Banga NYAMBE i nlôl ngi i nlona banga mahôla i kété ñem u yé jal ni nyus i telepsép. Mut nu a nhiel ñem, ndi a yoi ki béba yé, bale a nsébél Yésu—Kristô le a yén i kété ñem wé, a héMLEGE nye banga banga kiki ntohol ni NWET wé, YESU a nti nye masé ni nsañ. I son u woñ me bi bon i nwi 1937, i bôdôl yokela, adna yem lôñni NWET i m'a kitî bé.**

**Me nsoohe we le u suhul wemedê nyeni u leege nye nano kiki ntohol ni NWET won, i bale u nyegi ni, u bon hala ni ñem won wosôna, le ndi u kosna masoda ma NYAMBE.**

**—Watson Goodman (1920-2002)**

# GWÉHA NYAMBE

1

Ndi Nyambe a ñéba gwéha yé inyu yés munu jam lini le, ngéda di ba di ngi yiine baboñbéba, Kristô a wél inyu yés. —Rôma 5:8

Bisu bi ngant Pasa, Yésu a yi le ngeñ yé i nyodi munu nkoñ'isi unu i ke yak Isañ i mal kola. A ba gwés bôt bé ba ba nkoñ'isi, a gwéhak yaga bo letee ni lisuk.

—Yôhanes 13:1

Mut nye ki nye a gwé bé gwéha i nloo ini, le mut a ti nom yé inyu mawanda mé. —Yôhanes 15:13

Yak ni Yésu Kristô, mbokmbôgi nu maliga, mbôkgwéé ikété bawoga, ni nu a yé ñane ngi bikiñe bi'isi. Inyu nu a ngwés bés, a ho-

hol ki bés bibéba gwés ni matjél mé. —Masoola 1:5

Inyule Nyambe a lôôha gwés nkoñ'isi, jon a tine pombe yé Man, le tonjee a nhémle nye a' nimil bé, ndi a gwé niñ boga.

—Yôhanes 3:16

Yéhôva a pémél me behee, nye me le, Me bi gwés we lôñni gwéha i boga; jon longeñem yem i tiñi ni we. —Yérémia 31:3

Ndi Nyambe nu a yôgi ni lingwañ li konangoo, inyu ngandak yé gwéha a gwés bés ngéda di ba bawoga inyu mahóha més, a niñis bés lôñ yada ni Kristô (ni bi tohla na ni karis Nyambe) —Efésô 2:4, 5

Ndi pénda i ta bé le jimp li singe Nyambe ñem li yé likeñi. Nu a nenne ikété minsôn, a kéla le a téé sép inyu Mbu, a téa ni angel, a añlana ikété biloñ bipe, a hémlana nkoñ 'isi, a yôña ikété lipém ngi.

—1 Timôtéô 3:16

Banga i ba bibéé, Banga i ba ni Nyambe, Banga i ba ki Nyambe. Banga i yila minsôn, i yén ki béhni . . . nyonok ni karis ni maliga.

—Yôhanes 1:1, ni 14

Ndi mam mana momasôna ma gwéla le mam Nwet a kal ni mpôdôl ma yon le, Nuna-ki, ngont ngi yi munlôm y'a nembee, i gwal man munlôm, b'a o nye jôl le Ema-

nuel; hala yé le, Nyambe i béhni.  
—Matéô 1:22, 23

Béhna Tata di yé wada.  
—Yôhanes 10:30

Bale bo ndi ni yik me, ki ni nyi ki Tata; ibôdôl hanano ni nyi nye, ni bi tehe ki nye. Filipô a kal nye le, A Nwet, unda bés Tata, ndi hala a kola ni bés. Yésu a kal nye le, A Filipô, ntandaa ngéda me yé ni bé, ndi u yi bé me? Nu a bi tehe me, wee a bi tehe Tata; lela u nkale, Unda bés Tata? Ba u nhémle bé le me yé ikété Tata, Tata ki ikété yem? Bibanga me nkal bé, me mpot bé me ni memede; ndi Tata nu a yii ikété yem nyen a mboñ minson nwé.  
—Yôhanes 14:7-10

# YÉSU, MAN NYAMBE

3

Tonjee a mpahal le Yésu Kristô a yé Man Nyambe, wee Nyambe a yii ikété yé, yak nye ki ikété Nyambe. —1 Yôhanes 4:15

Ni angel i timbhe, i kal nye le, Mbu Mpabi a' lôl we, lipémba li Nungingi l'a hôô we, jon yom pubi w'a gwal y'a séblana le Man Nyambe. —Lukas 1:35

Inyule man a ngwéé bés, man munlôm a ntina bés, ndi jai li mbok l'a kahap ngi yé tu; b'a o ki nye jôl le, Néghabôt, Ntipék, Nyambe nu lipémba, Isañ nu mba ni mba, Ñane nsañ. —Yésaya 9:5

Ki nye a ngi podok, nun-ki, ont pubi i hôô bo; ndi nun-ki, kiñ i lôl i

ont, i kal le, Nunu a yé Man wem nu gwéha, a nlémél me; bé embla-na nye.

—Matéô 17:5

Yésu a kal nye le, U yé batehga nye, ngo nye nu a mpôdôs we.

—Yôhanes 9:37

Inyule ngim libak li Nyambe nyemedé, nya i yôni, i yiine ndigi ikété nyu yé.

—Kôlôsé 2:9

Me bé yi bé me nye; ndi nu a bi om me i sôble ni malép, nyen a bi kal me le, Nwet w'a tehe Mbu a nsôs, a yén ngi yé, nyen a yé nu a nsôble ni Mbu Mpabi. Me bi tehe, me bok ki mbôgi le nyen a yé Man Nyambe.

—Yôhanes 1:33, 34

## YÉSU A KAL BÉS NJEE A YÉ

Ni nye a kal bo le, Bé ni yé ba 'isi; me me yé nu ngi; bé ni yé ba nkoñ 'isi unu; me me ta bé me nu nkoñ 'isi unu. . . . Yésu a kal bo le, Hodo, hodo, me nhomp bé le, Abraham ngi ba, ki me me yé.

—Yôhanes 8:23, ni 58

Muda a kal nye le, Me nyi le Mé-sia a'lo (nu a nsébla le Kristô); ngéda a'lôl, a' kal bés mam moma-sôna. Yésu a kal nye le, Men me yé nye, mme nunu me mpôdôs we.

—Yôhanes 4:25, 26

Yésu a kal bo le, Men me yé koga i niñ; mut a nlo meeni njal y'a gwel bé nye; nu ki a nhémle me nyus y'a gwel ha bé nye.

—Yôhanes 6:35

Ngéda me yé nkoñ 'isi me yé mapubi ma nkoñ 'isi. —Yôhanes 9:5

Jon Yésu a kélél ki bo le, Hodo, hodo, me nhomp bé le, Men me yé nwemel mintômba. —Yôhanes 10:7

Yésu a kal nye le, Men me yé bi-tugne, me yé ki niñ; nu a nhémle me, to a nwo ya, a' niñ.

—Yôhanes 11:25

Ni nsébél me le, Malét, ni le, Nwet; ni mpot longe, inyule me yé hala.

—Yôhanes 13:13

Yésu a kal nye le, Men me yé njel, me yé maliga, me yé ki niñ; mut nye ki nye a mpam bé yak Ta-ta, hababé inyu yem.

—Yôhanes 14:6

Ni nye a kal le mamut ma yén isi ngi bayôôma; ni nye a yoñ bikoga bitan, ni tjobi diba, a nun ngi, a sayap, a bôk bikoga, a ti banigil gwo, banigil ba lôôs mamut ma bôt. Bobasôna ba je, ba nuu; ni bo ba bada bikét bi yégle jôm li minyonok mi bisel mbôk iba. Bôt ba je ba ba jam kii bo dikôô di bôlôm ditan, handuk bôda ni bonge.

—Matéô 14:19-21

Ndi nun-ki, bôt ba ndim ba, ba ba ba yii pañ njel, ba nok bañ le Yésu a ntagbe, ba lont, ba kal le, A Nwet, man David, kon bés ngoo. . . Ni Yésu a telep, a sébél bo, a kal le, Ni nsômbôl le me boñ la bé? Ba kal nye le, A Nwet, le mis més

ma yibla. Ni Yésu a kon bo ngoo, a tis mis map; ni bo ba tehna bitéé bilôñi, ba noñ nye.

—Matéô 20:30 ni 32-34

A mal bañ pot, a kal Simôn le, Tigana nyoo lip, leña mbunja nan, ni gwel tjobi. Ni Simôn a timbhe, a kal le, A Soñ, di ntumbba ngim u, di gwel bé yom; ndi inyu likalak joñ nyen me nléñél mbunja. Kii ba mboñ hala, ba hôgô yaga ngandak tjobi, mbunja i kénak.—Lukas 5:4-6

Yésu a jôp bañ ndap Pétrô, a tehe nyôgôl Pétrô nyu i bak i gwé nye. Ni nye a tis woo wé, lihep li mal nye; ni nye a telep, a ka gwélél nye.

—Matéô 8:14, 15

Inyule mam momasôna ma héga ni nye, ma ma yé ngi, ni mana ma yé isi, mam ma nene, ni mam ma nene bé; to ma ba ya baane ba yôgi ngi ngi, to ba ba yé bet ndôñ ane ipe, to bakaambok yaga, to ba ba gwé kunde i ane. Ngo mam momasôna ma héga ni nye, ma yéne ki inyu yé.

—Kôlôsé 1:16

Nyambe . . . hala nyen lisuk li dilo dini a bi pôdhene bés lôñni Man wé, nu a téé nkôdôl mam momasôna, a hek ki nkoñ 'isi lôñni nye.

—Lôk Héber 1:2

Le inyu jôl li Yésu nyen maboñ momasôna ma nlama uma isi, to ma ba ba yé nyoo ngi, to ma bana hana 'isi, to ma ba ba yé isi hini hi-

si, ni le hi yaga hilémp hi pahal le Yésu Kristô nyen a yé Nwet, le ndi Nyambe Tata a kôs lipém.

—Filipi 2:10-11

Mam momasôna ma héga ni nye; jam jo ki jo li héga bé ibabé nye.

—Yôhanes 1:3

Inyuhala ndap Israél yosôna i yi ntiik le, Yésu nunu ni bi tômôl mbasa, nyen Nyambe a nyilha Nwet ni Kristô.

—Minson mi baôma 2:36

Inyu jam lini jon Kristô a wél, a kônde ki niñ, le ndi a ba Nwet ngi bawoga ni bayômi.

—Rôma 14:9

Nyambe a yé maliga, nu a bi sébel bé i bana adna ni Man wé Yésu Kristô, Nwet wés.

—1 Korintô 1:9

Ndi we, inyuki u mpémhene maasoñ mbagi? Yak we, inyuki u nyénél maasoñ? Inyule bés boba-sôna yaga d'a telep bisu bi yééne mbagi Nyambe. —Rôma 14:10

Me mbéhe we bisu bi Nyambe bona Kristô Yésu, nu a nyégi i pémhene bayômi ni bawoga mbagi, ni inyu matihle mé ni ane yé. —2 Timôtéô 4:1

Ndi ngéda Man mut a' lôl lipém jé, nye ni angel yosôna, a' yén yé-éne ane i lipém jé; ndi biloñ gwobi-sôna gw'a kodba bisu gwé, a' ba-gal gwo kikii ntééda mintômba a mbagal mintômba ni minya mi ke-mbee. —Matéô 25:31, 32

Tata a mpémhene bé mut mba-gi, ndi a ti Man mbagi yosôna.  
—Yôhanes 5:22

I ngwa Nyambe a' pémhene mam ma bôt ma sôli mbagi ni Yé-su Kristô kingéda miñañ nwem minlam. —Rôma 2:16

Yésu a bi béhe bés i aňle bôt, ni i bok mbôgi le nunu nyen a yé nu a tééba ni Nyambe i ba Nkéés bayômi ni bawoga.

—Minson mi baôma 10:42

Seghene yé i yé woo wé i tibil yaga pubus het a nhééna bikôgô, ni i kot blé i ndugi yé; ndi a' ligis bikôgô ni hié hi nlém bé.

—Lukas 3:17

Men me yé nwemel; ibale mut a njubul meeni a' tohlana, a' ba a jôbôk, a pamak, a' tehe homa lijél.

—Yôhanes 10:9

Yésu a kal nye le, Men me yé njel, me yé maliga, me yé ki niñ; mut nye ki nye a mpam bé yak Tata, hababé inyu yem.

—Yôhanes 14:6

Jo ni jon me nkélél bé le, n'a wél bibéba binan; inyule hababé le ni héMLE le me yé nye, ki n'a wél bibéba binan.

—Yôhanes 8:24

Ndi inyu karis yé nyen ba nkéla le ba téé sép yanga yanga, inyu kobla i yé i Kristô Yésu.

—Rôma 3:24

Ndi a pam bañ peles, a yila lipigil li tohi boga inyu bôt bobasôna ba nôgôl nye. —Lôk Héber 5:9

Jo ni jon a nla ki tohol banga li-tohlak bôt ba nkôôge bebe ni Nyambe inyu jôl jé, lakii a yii niñ mba ni mba le a yemhe inyu yap.

—Lôk Héber 7:25

Ndi tohi i tane bé ni numpe, inyule jôl lipé li ntina bôt li ta bé hana 'isi, le jon di nlama tohlana.

—Minson mi baôma 4:12

Kristô a kobol bés isi ndiihe mbén ngéda a yila mut ndiihe inyu yés, inyule i yé ntilbaga le, Tiihe-tiihe ni hi mut a péni ngi kék.

—Galatia 3:13

Ndi inyu yé nyen ni yéne i Kristô Yésu, nu a yilna bés pék i nlôl yak Nyambe, ni telepsép, ni pubha, ni kobla ki. —1 Korintô 1:30

Nu a ti nyemede inyu yés, le ndi a kobol bés ni liyanmbén jolisôna, ni le a pubhene nyemede bôt le ba ba bé nyemede, ba ba nligip yaga i boñ minson minlam. —Titô 2:14

Ni ti Isañ mayéga, nu a boñ bés le di kola i bana ngababum bapubhaga ba gwé ikété mapubi. Nyen a héa bés isi ane jiibe, ndi a jubus bés isi ane Man nu gwéha yé; ikété yé nyen di gwéne kobla yés, nwéhél inyu bibéba gwés.

—Kôlôsé 1:12-14

Inyule Man mut a bi lo i yéñ ni tohol banimлага. —Lukas 19:10

Ndi ba ntôp hiémbi hi yondo, ba kalak le, Wen u kôli i yoñ kaat, ni bandal ki yo bibéndél; inyule u nôla, ndi u sômbôl Nyambe bôt ni matjél moñ, ikété hi lihaa, ni hi hilémp, ni hi litén, ni hi loñ.

—Masoola 5:9

Hiumlana ki ikété gwéha kikii yak Kristô a gwés bés, a sem ki nyemede i moo ma Nyambe miño nwés kikii likébla ni sesema ba nump ntode njiñ. —Efésô 5:2

Inyule Nyambe a téé bé bés inyu hiun, ndigi le di kôs tohi inyu Nwet wés Yésu Kristô.

—1 Tésalônika 5:9

## 10      PUBHA LÔNNI MATJEL MA YÉSU—KRISTÔ

Jon lakii di mal kéla le di téé sép inyu matjél mé, wee d'a tohlana toi ni hiun hi Nyambe inyu yé. Ndi ha ndik hala nyetama bé; ngo di nyadbene ki inyu Nyambe i jôl li Nwet wés Yésu Kristô, nu a mal kuhul bés sangla ini.

—Rôma 5:9, 11

Ikété yé nyen di gwéne kobla inyu matjél mé, mwéhél inyu mahôha més kingéda lingwañ li karis yé.  
—Efésô 1:7

Inyule matjél mem ma malômbla ma yondo mana ma nkubna ngandak bôt inyu mwéhél bibéba.

—Matéô 26:28

Ni nyi le ni bi koblana bé ni gwom bi ñôbi, kikii silba to gôl,

ikété gwanga bi bilem bi lôl ni basôgôl banan, ndi ndik ni tik matjél ma Kristô, wengoňle ma man ntômba nu a gwé bé lem to liton.

—1 Pétrô 1:18, 19

Ndi i ba ni le di nhiumul ikété mapubi, kikii nyemedé a yiine mapubi, wee di gwé adna bés ni bés, ndi matjél ma Yésu, Man wé, ma mpibus bés béba yosôna.

—1 Yôhanes 1:7

Wee kinje ngandak i yé iloo ha matjél ma Kristô, nu a sem nyemedé i moo ma Nyambe ni Mbu wé boga ibabé lem m'a pubus kiññem nan inyu minson minwoga le ndi ni gwélél Nyambe nu niñ.

—Lôk Héber 9:14

Inyule inyu karis nyen ni bi tohlana inyu hémle, ndi hala a nlôl bé ni bêbomede; a yé ndigi likébla li Nyambe, ha ni minson bé, mut a tiga le a yadap. —Efésô 2:8, 9

Jon laki di mal kéra le di téé sép inyu hémle, wee di gwé nsañ ni Nyambe inyu Nwet wés Yésu Kristô. —Rôma 5:1

Inyule i Kristô Yésu likwee li nhôla bé jam, to ngikweeba, ndik hémle i i ngwel nson ikété gwéha. —Galatia 5:6

Inyule hi jam li ngwéé ni Nyambe jon li nkômol nkoñ 'isi. Ndi komol i bi komol nkoñ 'isi yo ini le, hémle yés. —1 Yôhanes 5:4

Hémle Nwet le Yésu, ndi w'a tohlana, we ni ndap yoñ.

—Minson mi baôma 16:31b

Jon ba bat nye le, Di nlama boñ ki, ndi we di mboñ minson mi Nyambe? Yésu a timbhe, a kal bo le, Nson Nyambe unu, le ni hémle nu a om. —Yôhanes 6:28, 29

Ndi bini gwon bi ntilba le ni hémle le Yésu a yé Kristô, Man Nyambe, ni le hémle ni nhémle nye ni bana niñ i jôl je.

—Yôhanes 20:31

Me lébna ki ikété yé, le me bana bañ yem yem telepsép i i nlôl mbén, ndik i i nlôl inyu hémle Kristô, telepsép i nlôl yak Nyambe inyu hémle. —Filipi 3:9

Inyule kikii ngi i yé mbedek ngi, haa ni hisi, hala ki nyen longe ye ñem i yé keñi inyu ba ba nkon nye woñi. . . . Ndi longeñem i Yéhôva i yé ibôdôl boga ikepam yaga boga inyu ba ba nkon nye woñi, Telepsép yé ki letee ni balal.

—Tjémbi 103:11, 17

Lipém li ba ni Nyambe, . . . Tata nu konangoo, ni Nyambe nu lédés-nem yosôna. —2 Korintô 1:3

Njee a yé Nyambe kikii we, nu a nwéhél liboñok libe, a hôiga ki matjank ma minyégla mi bôt mi ngababum yé? A ntéeda bé hiun hié mba ni mba, inyule longeñem yon i nkônha nye maséé. —Mika 7:18

Inyule longe yoñ ñem i yé keñi ngingi; maliga moñ ki letee ni mahindi ma ngi. —Tjémbi 108:5

Ibale di ntjiba bé, hala a yé liboñok li ñéba longeñem Yéhôva, inyule konangoo yé i malba bé. I yé yondo hi ki kegla. Ndéñbe yé i yé keñi.

—Minlént mi Yérémia 3:22, 23

Ha ni nyen a tohol bés, ha inyu bé le di bi gwel minson kikii bôt ba téé sép, ndik inyu konangoo yé yotama, ngéda a nughene bés ikété ligwéé li yondo, a timbis ki bés yondo yondo ni ngui Mbu Mpabi. —Titô 3:5

Ndi Mbu bona mbom ba nkal le,  
Loo. Yak nu a nok a kal le. Loo.  
Nu ki nyus i gwé, a lo. Nu a nsôm-  
bôl, a yoñ malép ma niñ yanga.

—Masoola 22:17

Éé, a mut nyensôna nyus i gwé,  
loo nyono malép! Yak mut a gwé  
bé moni! Loga ni, ni somp, ni je; ñ,  
loga, ni somp wai ni manyuñ iba-  
bé moni to ndamba! —Yésaya 55:1

Kel i nsôk, ngwa nkeñi u ngant,  
Yésu a telep, a bédés kiñngi, a kal  
le, Ibale nyus i gwé mut, a lo mee-  
ni, a nyo. —Yôhanes 7:37

Kii Yésu a ntehe hala, ñem u  
hént nye, a kal bo le, Nwaha  
bonge batitigi, ba lo meeni; ni  
sôña bañ bo; inyule ndôñ ini yon

ane Nyambe i yé yap.

—Markô 10:14

Yéhôva a nkal le, Loga, me  
nsoohe, di kaa. To i ba ya le  
bibéba binan bi kôibak tjôôm,  
gw'a pôp kikii pem; to bi bak bi  
kuyi ndoom, gwa' yila bipuba we-  
ngoñle mahuu ma ntômba.

—Yésaya 1:18

Lona meeni, bé bobasôna ba ni  
ntumbba ni bééga ki mbegee i  
nyét, me me nti bé noi.

—Matéô 11:28

Inyuhalà di yé bakenwin inyu  
Kristô, wengoñle Nyambe a  
mbéhne bôt manyo més, di nye-  
mhene bé inyu Kristô le, Ni ba  
nsanglaga ni Nyambe.

—2 Korintô 5:20

## 14 BÔT BOBASÔNA BÉ BON BA YÉ BON BA NYAMBE

Inyule bobasôna Mbu Nyambe a ñéga, bon ba yé bon ba Nyambe. Inyule ni bi kôs bé mbu u ba minkol le ni tiimba kon woñi; ndi ni bi kôs mbu u ngwalakbel, mu nyen di nlôndôl le, A Abba, Tata.

—Rôma 8:14, 15

Le ndi ni la éba le ni gwé bé nsohi, to pii ñem, ndigi le ni yé bon ba Nyambe, ibabé lem, i ngembe hiai hi kôdi ni hi nkagda, homa ni mbai kikii tjôdôt hana nkoñ 'isi.

—Filipi 2:15

Ha hi mut bé nu a nsébél me le, A Nwet, a Nwet, nyen a' jôp ane ngi, ndik nu a mboñ sômbôl Tata nu a yé ngi.

—Matéô 7:21

Ikété jam lini nyen bon ba Nyambe ni bon ba nsohop ba nyina, le tonjee a mboñ bé mam ma téé sép, to nu ki a ngwés bé maasañ, a ta bé nu Nyambe.

—1 Yôhanes 3:10

Jo ni jon Nwet a nkal le, pama mu bilôñ gwap, ni bagla ni bo, Ni tihba bañ yom nyega, ndi m'a leege bé. Nwet Bayemlikok a nkal ki le, M'a ba bé isoñ, bé ki n'a ba me bon ba bôlôm ni ba bôda.

—2 Korintô 6:17, 18

Ndi ba bobasôna ba leege nye, ba ba nhémle i jôl jé, bon a ti kunde i yila bon ba Nyambe.

—Yôhanes 1:12

Éé bôt ba mpule nyôba binyonyo bi ngui bikegla tutu, ba nomok ki mu ikepam masudne ma u, letee ba kala ni wai! —Yésaya 5:11

U nun bañ wai ngéda i nkôyôp, ngéda i nleñ disañ ikété libôndô, ngéda i nhôl longe. I nsôk kogana kikii nyoo, i suulaga kikii nsiñ nyoo. —Bingéngén 23:31, 32

Ngo minson mi minsôn mi nyiba, ndôñ hogi kikii ndénk, ni nye ga, ni biyôgda, ni bégés bisat, ni gwélél makañ, ni ôa, ni ndañ, ni njôñ, ni nyai, ni pééna, ni lisanda, ni mbagla, ni tama, ni lihiua, ni bilôñ bi mpungu, ni ndôñ mam ipe hala. Inyu mam mana me mbugus nwin bisu nyoo béni, kikii me bi

bôk yaga kal bé le, bôt ba yé ba mboñ ndôñ mam ini b'a kôdôl bé ane Nyambe. —Galatia 5:19-21

Di hiômôk nya i kôli kikii bôt ba binjamuha, ndi ha ikété bilôñ bi mpungu bé ni lihiua, to ikété tek mabôk ni biyôgda, to ikété ndañ ni njôñ. Ndi engbana Nwet le Yé-su Kristô, ni bôihe bañ minsôn i néhne minheña nwé njel.

—Rôma 13:13, 14

Wai i njôha, binyonyo bi ngui bi nyai; tonjee a nyôm mukété a gwé bé pék. —Bingéngén 20:1

Inyule a' ba mbiñ mut mis ma Nwet, a' nyo bé wai to binyonyo bi nhiuha. —Lukas 1:15a

A kal nye le, U gwéhék Nwet le Nyambe woñ ni ñem woñ wonsôna, ni nom yoñ yosôna, ni mahoñol moñ mo masôna. Litiñ lini jon li yé likeñi ni li bisu. Li iba li yé kikii lini li yé le, W'a gwés mut woñ libôk kikii wemedē.

—Matéô 22:37-39

A longe Malét, me boñ la le ndi me kôdôl niñ boga? Ni Yésu a kal nye le, U nséblene ki me longe? Mut nye ki nye a ta bé longe, han dugi Nyambe nyetama. U nyi matiñ le, U nolok bañ mut, U ke nek bañ ndénk, U nibik bañ, U tel bak bañ mbôgi bitembee, U lôgôk bañ mut, U tinak isoñ bo nyuñ li-

pém. Ni nye a kal nye le, A Lét, me bi tééda mam mana momasôna ilo yaga me mange. Ni Yésu a nun nye, a gwés nye, a kal nye le, Jam jada jon li ngi yii we; ke nuñul gwom gwobisôna u gwé, u ti diyeyeba, hala nyen w'a bana lisôô li nkus ngi; ndi u lo, u noñ me. A nok bañ banga i, a kañ su, a ke ni ndutu; inyule a ba mut a gwé ngandak lihat. —Markô 10:17b-22

Biine minson nwoñ yak Yéhôva, ndi to le mahoñol moñ m'a lédhana. Njel ihogi i yé, yon i nene sép i mis ma mut, ndi lisuk jé li yé njel nyemp. —Bingéngén 16:3; 25

Ni yôm bañ; mut a ta a tôfbege  
bé Nyambe. Inyule jam mut a  
nsal, jo ki jon a'bumbul.

—Galatia 6:7

A bon batitigi, mut nye ki nye a  
yumus bañ bé; mut a yé a mboñ  
mam ma téé sép nyen a téé sép ki-  
kii yak nyemedé a téé sép. Mut a  
mboñ béba a yé nu nsohop, inyule  
nsohop a mboñ béba ilo yaga bi-  
béé.  
—1 Yôhanes 3:7, 8a

Ba ni nyi bé le ba ba téé bé sép  
b'a kôdôl bé ane Nyambe? Ni yôm  
bañ. Bôt ba biyabda, to babégés  
bisat, to bôt ba ndénk, to babôihe  
manyu, to ba yaga ba nlalna baso

bôlôm, to bôt ba wip, to bahép ni  
nkus, to bôt ba lihiua, to banôô-  
ma bôt, to bôt ba ngadla, b'a kô-  
dôl bé ane Nyambe.

—1 Korintô 6:9, 10

Mut nye ki nye a lôk bañ bé ni  
biyôglô bi minkwel, inyule munu  
ndôñ mam ini nyen hiun hi Nyam-  
be hi nlôl ngi bon ba ndok.

—Efésô 5:6

Ndi bé bana baboñ banga, ha  
banok botama bé, i lôk bêbomedé.

—Yakôbô 1:22

Inyule ibale mut a nhoñol le a  
yé jam, ndômle a ta bé to jam, wee  
a nlôk ya nyemedé.  
—Galatia 6:3

Inyuhala ni nyen, kikii béba i jôp nkoñ 'isi inyu mut wada, nyemp ki i lôl inyu béba, hala nyen nyemp i tôla bôt bobasôna, inyule bobasôna ba boñ béba.

—Rôma 5:12

Ndi minheña mi nyoñ bañ jém, mi ngwal béba; ndi béba ngéda i mal hôlôl i ngwal nyemp.

—Yakôbô 1:15

Mut a mboñ béba nyen a' wo. Man a' begee bé liboñok libe li isañ, to isañ a' begee bé liboñok libe li man. Telepsép i mut a téé sép y'a kahap ndigi ngi yé; yak matjank ma mut matjank m'a kahap ki ngi yé.

—Ezékiel 18:20

Ngo nduña minsôn i yé nyemp, ndi nduña Mbu i yé niñ ni nsañ. Inyule nduña minsôn i yé ôa ni Nyambe, lakii i nsuhus bé yomede isi mbén Nyambe, i ta bé ki to le i la.

—Rôma 8:6, 7

Di lamga ya hak, ni séé; inyule manyuñ nunu a bi wo, ndi a ntémp niñ; a bi nimil, ndi a nene.

—Lukas 15:32

Nu a ntéñbe ni telepsép a' niñ, ndi nu a noñ béba a noñ ya nyemp yé.

—Bingéngén 11:19

Jon ni bé ni gwé kinje matam, ha ngéda i, mu mam ma nwéha bé nyu hanano? Inyule lisuk li mam ma li yé ndik nyemp. —Rôma 6:21

Nu a tééba ni lipém̬ba i ba Man Nyambe, kingéda Mbu pubha in-yu bitugne bi bawoga, hala yé le, Yésu Kristô Nwet wés. —Rôma 1:4

A pot bañ hala, a lont ni kiñ keñi le. A Lasarô, pam. Ni nwoga a pam, nkañak ni mabadô ma soñ moo ni makôô; su wé ki nkañak ni wañsi. Yésu a kal bo le, Hohlana nye, nwaha nye, a kenek.

—Yôhanes 11:43, 44

Ni nye a kôoge bebe, a tis nkuu mim; ni babegee nkuu ba telep. Ni nye a kal le, A mange wanda, me nkal we le, Nyodi. Nu a ba nwoga, a yén biyiyii, a ka pot.

—Lukas 7:14, 15a

Me nti niñ yem, le ndi me yoñ ki yo, jon Tata a ngwihil me. Mut nye ki nye a nkadal bé me yo, ndi memede nyen me nti yo. Me gwé ngui i ti yo, me gwé ki ngui i yoñ ki yo. Me bi yôñôl litiñ lini yak Tata.

—Yôhanes 10:17, 18

Me bé nwoga, ndi nun-ki, me yé niñ i boga ni boga, me gwé ki dili-ba di nyemp ni di Hadé.

—Masoola 1:18

Inyule jam yak me me kôs jon me bi bôk ti bé le, Kristô a wél in-yu bibéba gwés kingéda bitilna, ni le a juba, ni le a tuglana i kel i nyônôs iaa kingéda bitilna.

—1 Korintô 15:3, 4

U ban-ga bañ banyambe bape handuk me. U héglak bañ wemedé ntjok ôngba, to maônk ma yo ki yo yom i yé ngi to hana 'isi, to iké-te malép ma yé isi hini hisi; u ô-ôbak bañ letee ni 'isi bisu gwap to gwélél gwo . . . .

U tóbôk bañ jôl li Yéhôva Nyambe woñ yanga; inyule Yéhôva a' nwas bé mut a ntôp jôl. jé yanga le nôgôs i set nye.

U téédaga ngwa noi i téé wo le u ba mpubhaga; kikii Yéhôva Nyambe woñ a kal we. W'a boñ nson dilo disamal, nson woñ wonsôna yaga; ndi hilo hi nyônôs

disaambok hi yé ngwa noi inyu Yéhôva Nyambe woñ. . . .

U tinak isoñ bo nyuñ lipém, kikii Yéhôva Nyambe woñ a kal we . . . .

U nolok bañ mut.

U kenek bañ ki to ndénk.

To nip, u nibik bañ.

U telbege bañ ki to mut woñ libôk mbôgi bitembee.

To tam, u tamak bañ nwaa mut woñ libôk; u ban-ga bañ ki to ngôñ inyu ndap mut woñ libôk, to wom wé, to nkol wé, to ngolibii yé to nlôm nyaga wé, to jakas jé, to kin-jee mut woñ libôk a gwé.

—Ndiimda mbén 5:7-21

Inyule mis ma Nyambe ma nsie manjel ma mut; a nyimbe ki njañ yé yosôna. Jiibe li ta bé i het ba-boñ biyabda ba bak le ba solbene, to ngangañ jiibe yaga.

—Hiôb 34:21, 22

Yéhôva a nkal le, Ba mut a yé le a solop mu bahoma ba masol, le me tehe bé nye? Yéhôva a nkal le, Ba me nyon bé ngi ni 'isi?

—Yérémia 23:24

Ibale me mbet nyoo ngi, we u yé ha; ibale me ntek nañ yem i Séôl, nun-ki, u yé nyoo. To jiibe yaga li nsôô bé we jam, ndi u u mbaï kikii njamuha; jiibe ni mapubi bi yé we kayada.

—Tjémbi 139:8 ni 12

Mis ma Yéhôva ma yé homa nyensôna, ma mbénge bôt babe ni ba ba yé longe. —Bingéngén 15:3

Inyule banga Nyambe i yé yômi ni ngui, i nho iloo yo ki yo pangoñ malo ma, i nsôôbe ki letee i bagal bo ñem, bo mbu, hala ki bo mônga, bo poños bihés, i yé ki nkéés mahoñol ni pék miñem. Hégél yo ki yo i sôli bé mbom yé; ndi mam momasôna ma yé nso, ma bémbi ki bisu bi nu di nlama timbhe.

—Lôk Héber 4:12, 13

Inyule jam jo ki jo li sôli bé le l'a soolana bé, to jam jo ki jo li ta bé i jimp le l'a yeli bé ni pam mapubi.

—Lukas 8:17

Man mut a' om angel yé, y'a héa mam momasôna bôt ba mbaagene ane yé, ni ba ba nyan mbén; y'a leñ bo juu li hié; nyoo nyen nlént ni je masoñ b'a bane.

—Matéô 13:41, 42

Bibéba bi bôt gw'a ke gwomede i Séol, yak ni biloñ gwobisôna bi bi nhôya Nyambe. —Tjémbi 9:18

Ni nlélém banga ki nyen ngi i yii hanano, yak ni hisi ki ba kôhlana inyu hié, ba téédana letee ni ngwa mbagi ni tjiba i bôt ba nyan Nyambe. —2 Pétrô 3:7

Ibale woo woñ to kôô woñ u mbégaha we, kit wo, u lep wo; i yé we longe le u jôp niñ bôk to ni lem,

iloo le u bana moo ma to makôô ma i léña hié hi boga. —Matéô 18:8

Bon b'a tehe kuu le mbuma boga inyu bagla b'a bagla ni mbom Nwet. —2 Tésalônika 1:9

Bana b'a ke i nôgôs boga, bôt ba téé sép ki i niñ boga. —Matéô 25:46

Inyule hiun hi Nyambe hi nsoolana, hi lôlak ngi, hi kolbaga liyan Nyambe ni ngitelepsép yosôna i bôt, bon ba nkéñ maliga ikété ngitelepsép. —Rôma 1:18

Nyemp i nyônôs iba ini, le titimba hié. Ndi ibale mut a bi lébna bé ntilbaga ikété kaat niñ, wee a bi léña i titimba hié. —Masoola 20:15

Inyule a téé kel yada i yé le a' pémhene nkoñ 'isi mbagi i téé sép, inyu mut mu a téé; inyu yé nyen a bi tine bôt bobasôna banga yimbe ne mu tugul a bi tugul nye ikété bawoga. —Minson mi baôma 17:31

Wee Nwet a nyi sôñ bôt ba nsinge nye ñem ikété manoodana, a téédaga ki ba ba téé bé sép isi nôgôs letee ni ngwa mbagi.

—2 Pétrô 2:9

Ndi kikii i ntééba le bôt ba wo liwona jada, mbus hala ki mbagi.

—Lôk Héber 9:27

Munu jam lini nyen gwéha i ntémp nya i yôni inyu yés, le di bana maként i ngwa mbagi, inyule kikii nyemedé a yé, hala nyen di

yé munu nkoñ 'isi unu.

—1 Yôhanes 4:17

Ni me me tehe bawoga, bakeñi ni batitigi, ba téé bisu bi yééne ane; ni bikaat bi budlana, yak kaat ipe ki i budlana, yon i yé kaat niñ; ndi bawoga ba bi kôs mbagi mu mam ma bé ntilbaga ikété bikaat bi, kingéda minson nwap.

—Masoola 20:12

Inyule i nsômbla yaga le bés bobasôna di yeli bisu bi yééne mbagi Kristô, le ndi hi mut a kôs longe to béba kingéda mam a bé boñ ikété nyu.

—2 Korintô 5:10

Wee hi ki mut ikété yés a' timbhe Nyambe inyu yé nyemedé.

—Rôma 14:12

Ndi i ta bé le kikii lihôha li yé, hala ki nyen likébla li karis li yé. Inyule ibale ngandak bôt i wo inyu lihôha li mpom mut wada, wee karis Nyambe ni likébla inyu karis i mut wada le Yésu Kristô ba yaamba iloo hala le ba tina ngandak.

—Rôma 5:15

Jon i tane ni bé inyu sômbôl mut nyemedé, to inyu nu a nligip, ndik inyu Nyambe nu a nkona ngoo.

—Rôma 9:16

Inyule Nyambe a nkolba bôt ba nhumbul nyu, ndi a nti ba ba nsuhus nyu karis.

—1 Pétrô 5:5b

Inyule ni nyi karis Nwet wés Yésu Kristô le, to lakii a ba

ngwañ, a témp liyep inyu nan, le ndi inyu liyep jé bé ni ngwañap.

—2 Korintô 8:9

Mayéga ma ba ni Nyambe inyu likébla jé li mbuma ñañ.

—2 Korintô 9:15

Ndi het béba i tôl, ha nyen karis i yamp nyambak, le ndi, kikii béba i bi ane ikété nyemp, la nyen yak karis i ñane inyu telepsép i ti niñ boga inyu Yésu Kristô Nwet wés.

—Rôma 5:20b, 21

Ndi baôma ba bok mbôgi yap inyu bitugne bi Nwet le Yésu Kristô ni lipémba likeñi; karis keñi ki i bangu yap bobasôna.

—Minson mi baôma 4:33

Ngéda bôt ba ba yi bé, Nyambe a kép bé jis nyoo, ndi hanano a nkal bôt bobasôna mbok yosô le ba hiel miñem.

—Minson mi baôma 17:30

Me nkal bé le, heni; ndi ibale ni nhiel bé miñem, yak bé bobasôna n'a tjiba hala.

—Lukas 13:3

A kalak le, Bé hiela miñem, in-yule ane ngi i gwé ni moo.

—Matéô 3:2

Ni Pétrô a kal bo le, Hiela miñem, ni sôblana hi wada nan i jôl li Yésu Kristô inyu nwéhél bibéba binan; ndi n'a kôs likébla li Mbu Mpabi. Inyuhala bé hiela miñem,

ni hielba ki, le bibéba binan bi séha, le ndi ngéda hogbe y'a ba i nlôl bisu bi Nwet.

—Minson mi baôma 2:38; 3:19

Leba matjank manan nonok ni bé, mon ni bé tjangap.

—Ezékiel 18:31a

Nu a nhô matjank mé a' too bé, ndi nu a mpahal mo, a nwas ki mo, nyen a' kôs konangoo.

—Bingéngén 28:13

Inyule ndutu ñem kingéda sômbôl Nyambe yon i mboñ mut le a hiel ñem, le ndi a kôs tohi, ndôñ hielñem i mboñ bé mut le a yik tam; ndi ndutu ñem i nkoñ 'isi i nlona nyemp.

—2 Korintô 7:10

Ndi ibale mut matjank a nhielba, a yék bibéba gwé gwobisôna, a téeda matéñ mem momasôna, a pémés ki mbagi sép ni boñ mam ma téé sép, wee a' niñ ndigi. A' wo yaga bé.

—Ezékiel 18:21

Béba mut i nya pamba ndugi ni njel yé, ntéés bôt kuu ki ni dipatjé, a témp yak Yéhôva, ha nyen a' kon nye ngoo; a témp yak Nyambe wés, ngo a nwéhél, a yaba.

—Yésaya 55:7

Inyule ibale ni nwéhél bôt mahôha map, ki Isoñ nan nu a yé ngi a' nwéhel yak bé.

—Matéô 6:14

Ni Yésu a tehe hémle yap, a kal ñambge mut le, A man wem bibéba gwoñ bi nwéhlana.

—Markô 2:5

... yina le inyu mut (Yésu) nunu nyen nwéhél bibéba i nkéla bé; ... Nyen Nyambe a bi bédés woo wé walôm le a ba Nane ni Ntohol, i ti Israél hielñem ni nwéhél bibéba.

—Minson mi baôma 13:38b; 5:31

Nun-ki, me téé likôga, me nkoo-de; ibale mut a nok kiñ yem, ndi a yibil likôga, m'a jôp nyeni, me ni nye di lôp.

—Masoola 3:20

Ibale di nkal le di gwé yaga bé béba, wee di nlôk bêhbomedé, ndi maliga ma ta bé ikété yés. Ibale di mpahal bibéba gwés, a yé maliga, a téé ki sép i nwéhél bés bibéba, ni pubus bés inyu ngitelepsép yosôna.

—1 Yôhanes 1:8-9

Inyule karis Nyambe i nlona tohi inyu bôt bobasôna i mal nene, i niiga bés le di nwas liyan Nyambe, di noñ ha bañ minheña mi nkoñ 'isi, ndi di hôt manyu més, di boñok mam ma téé sép, di singge ki Nyambe miñem i hiai hini hanano.

—Titô 2:11, 12

Mahoñol manan ma bane ndigi inyu mam ma ngi, ndi ha inyu mam ma hana 'isi bé. —Kôlôsé 3:2

Ni adba bañ ki to ni minson mi jiibe, ndi yeelana ndigi nwo.

—Efésô 5:11

Ni gwés bañ nkoñ 'isi, to mam ma yé mu nkoñ 'isi. Ibale mut a

ngwés nkoñ 'isi, wee gwéha inyu Tata i ta bé ikété yé. Inyule momasôna ma yé nkoñ 'isi, kikii minheña mi minsôn, ni minheña mi mis, ni humbulnyu i nom ini, ma mpigil bé yak Tata, ndik ni nkoñ 'isi.

—1 Yôhanes 2:15, 16

A bôda ba ndénk, ba ni nyi bé le liwanda ni nkoñ 'isi li yé ôa ni Nyambe? Jon tonjee a nsômbôl ba liwanda ni nkoñ 'isi a nyila ñoo Nyambe.

—Yakôbô 4:4

Nogbana pubhana békomede; hénana béba i bibôñôl binan, me tehe ha bañ yo; ni boñ ha bañ béba.

—Yésaya 1:16

Ibale ni nyi le a téé sép, wee ni nyi ki le hi mut a mboñ mam ma téé sép nyen a mal gwéé ni nye. Di nyi le hi mut a ngwéé ni Nyambe a mboñ bé béba; ndi mut a bi gwéé ni Nyambe a ntééda nyemedé; mut mbe a ntihba bé nye.

—1 Yôhanes 2:29; 5:18

Jon tonjee a yé i Kristô, wee a yé hégél yondo. Mam ma kwañ ma mal tagbe; nuna-ki, ma nyila yondo yondo. —2 Korintô 5:17

Ndi mbôgi ini i yé le, Nyambe a bi ti bés niñ boga, ndi niñ ini i yé ikété Man wé. Nu a gwé Man nyen a gwé niñ; nu a gwé bé Man Nyambe a gwé bé niñ.

—1 Yôhanes 5:11, 12

M'a ti bé ñem yondo, me ha ki mbu yondo ikété nan. Ndi m'a héa ñem ngok u yé ikété minsôn minan ni ti bé ñem minsôn.

—Ezékiel 36:26

Yésu a timbhe nye le, Hodo, hodo, me nhomp we le, hababé le mut a ngwéé yondo, a ta bé le a tehe ane Nyambe. —Yôhanes 3:3

Ndi ni bi sôba, ni tééba bapubhaga, ni bi kéla ki le ni téé sép i jôl li Nwet le Yésu Kristô lôñni Mbu Nyambe wés. —1 Korintô 6:11b

Ni yé batimbaga gwéé, ndi ha ni mbôô bé i i ñobi, ndik ni i i ñobi bé, yon i yé banga Nyambe i i yé yômi ni i i nom. —1 Pétrô 1:23

Bé bon a bi niñis ngéda ni bé bawoga ikété mahôha ni bibéba binan. A tugul bés lôñ yada ni nye, a yis ki bés homa wada nyoo ngi i Kristô Yésu.

—Efésô 2:1 ni 6

Nyemedé ki nyen a begee bibéba gwés mu nyu yé ngi kék, le ndi lakii di bi wo i pes bibéba, wee di niñlak ikété mam ma téé sép. Ngo inyu minkôndga nwé bé ni bi mbôôp.

—1 Pétrô 2:24

Jon ibale ni bi tuglana lôñ yada ni Kristô, wee yéña ni mam ma yé nyoo ngi, i het Kristô a yiine i nyééne yé woo walôm Nyambe. Mahoñol manan ma bane ndigi

inyu mam ma ngi, ndi ha inyu mam ma hana 'isi bé. Inyule ni bi wo, ndi niñ nan i sôli lôñ yada ni Kristô yak Nyambe. —Kôlôsé 3:1-3

Ndi ba ba yé ba Kristô Yésu ba bi mal tômôl minsôn mbasa, lôñ yada ni bisômble gwé ni minheña nwé. Ibale di niñil ni Mbu, wee di hiumlak ikété Mbu.

—Galatia 5:24, 25

Bés ba di bi wo i pes béba, lela d'a niñil ki mukété? Hala ni nyen yak bé, aña ndigi bêbomede kikii bawoga i pes béba, ndi bayômi i pes Nyambe i Kristô Yésu.

—Rôma 6:2 ni 11

Inyule mut a nsélél minsôn nwé nyemedé, mu minsôn nyen a' bumble tjiba; ndi nu a nsélél Mbu, mu Mbu nyen a' bumble niñ boga.

—Galatia 6:8-9a

Kikii Môsé a bédés nyoo ñoñ, hala ki nyen yak Man mut a nla-ma bédhana, le tonjee a nhémle a bana niñ boga inyu yé.

—Yôhanes 3:14, 15

Nu a nhémle Man a gwé niñ boga; ndi nu a nôgôl bé Man a' tehe bé niñ, ndi hiun hi Nyambe hi tiñi ni nye.

—Yôhanes 3:36

Inyule nsaa béba u yé nyemp, ndi likébla li karis li Nyambe li yé niñ boga i Kristô Yésu Nwet wés.

—Rôma 6:23

Hodo, hodo, me nhomp bé le, Nu a nok banga yem, ndi a hémlége ki nu a om me, a gwé niñ boga; a mpam bé mbagi, ndi a yé batagba-ga nyemp, a niñ. —Yôhanes 5:24

Niñ boga ini, le ba yi we banga mpom Nyambe wada, ni nu u om, le Yésu Kristô. —Yôhanes 17:3

Ndi mbôgi ini i yé le, Nyambe a bi ti bés niñ boga, ndi niñ ini i yé ikété Man wé. —1 Yôhanes 5:11

Ni kon bañ ndutu miñem minan; hémlana Nyambe, hémlana ki me. Ngandak mayééne i yé ndap Tata; bale i bak bé hala, ki me bi kal bé; me nke kôôbana bé homa.

—Yôhanes 14:1, 2

Mbu nyemedé a mbok nlélé  
mbôgi kétée mimbu nwés le di yé  
bon ba Nyambe. —Rôma 8:16

Nu a gwé Man nyen a gwé niñ;  
nu a gwé bé Man Nyambe a gwé  
bé niñ. Me mal tilna bé mam mana  
le ndi ni yi le ni gwé niñ boga, bé  
ba ni nhémle jôl li Man Nyambe.  
—1 Yôhanes 5:12, 13

Nu a gwé matiñ mem, a téédaga  
ki mo, nyen a ngwés me; nu ki a  
ngwés me Tata a' gwés nye, yak  
me m'a gwés nye, m'a unda ki nye  
memede. —Yôhanes 14:21

Ndi telepsép y'a gwal nsañ, li-  
tam li telepsép ki l'a ba ñem li-

ma; n'a yugyene ki me nyu mba ni  
mba. —Yésaya 32:17

Ndi lakii ni yé bon, wee Nyambe  
a bi om Mbu Man wé ikété miñem  
nwés, nyen a nlont le, A Abba! Ta-  
ta! —Galatia 4:6

Munu jam lini le a bi ti bés Mbu  
wé nyen di nyil le di yii ikété yé,  
nye ki ikété yés. —1 Yôhanes 4:13

Ndi me nwo bé me nyu, inyule  
me nyi nu me bi hémle, me nyi ki  
longe longe le a gwé ngui i tééda  
jam me bi ti nye ikepam yokel nu.  
—2 Timôtéô 1:12b

Hodo, hodo, me nhomp bé le, Nu  
a nhémle a gwé niñ boga.  
—Yôhanes 6:47

## NGÉDA KRISTÔ A YÉN KÉTÉ ÑEM MUT A NTI MASÉÉ

Ndi hanano ni me nlo weeni; me mpot mam mana nkoñ 'isi, le ba bana maséé mem nyonok ikété yap.

—Yôhanes 17:13

Ndi m'a kônde tehe bé, miñem minan nw'a séé, mut nye ki nye a' yoñ bé bé maséé manan.

—Yôhanes 16:22b

Inyule ane Nyambe i ta bé je ni nyo, ndik telepsép, ni nsañ, ni maséé i Mbu Mpabi.

—Rôma 14:17

Jon n'a ap malép ni masôbhe i mangen ma tohi.

—Yésaya 12:3

Me tômlana lôñ yada ni Kristô mbasa; ha memede ha bé me nyen me niñ, ndi Kristô nyen a niñ ikété

yem. I niñ me niñil hanano miñsôn, me niñil yo inyu hémle me nhémle Man Nyambe, nu a gwés me, a sem ki nyemedé inyu yem.

—Galatia 2:20

Me bi kal bé mam mana, le maséé mem ma ba ikété nan, yak maséé manan ma ba nyonok.

—Yôhanes 15:11

W'a unda me njel niñ; I mbom yoñ maséé ma yôni ma yé, I woo woñ walôm mam ma nkônhâ maséé ma yé mba ni mba.

—Tjémbi 16:11

U bi yis me manjel ma niñ, w'a yônôs me ni maséé bisu gwoñ.

—Minson mi baôma 2:28

Ndi ibale n'a nôgôl bé kiñ Yéhôva, ndi ni ndogbene litiñ li Yéhôva, ha nyen woo u Yéhôva w'a kolba bé, ki kii u ba kolba basañ banan.

—1 Samuel 12:15

Balôñe! Ba ni nyi bé le, sem ni nsem bêbomede yak mut kikii minkol i nôgôl nye, wee ni yé ndik minkol mi mut ni nôgôl; to mi bêba inyu nyemp, to mi manôglia inyu telepsép.

—Rôma 6:16

Ni le bé ba ni nkôs njiiha, ni kôs noi lôñ yada ni bés, ngéda Nwet le Yésu a' soola, a lôlak ngi lôñni angel i lipémba jé ikété lindômbô li hié. A' kôp mapuna ngi bôt ba nyi bé Nyambe, yak ni ba ba ntop

bé nôgôl niñañ minlam mi Nwet wés Yésu Kristô. Bon b'a tehe kuu le mbuma boga inyu bagla b'a bagla ni mbom Nwet.

—2 Tésalônika 1:7-9

Nuna-ki, me ntéé masoda ni ndiihe bisu binan i len ini: masoda ibale n'a nôgôl matiñ ma Yéhôva Nyambe nan, ma me nkal bé i len ini, ndiihe ki ibale n'a nôgôl; bé matiñ ma Yéhôva Nyambe nan.

—Ndiimba Mbén 11:26-28a

Inyule ngéda i nkola le mbagi i bôdôl pémél ndap Nyambe, ndi ibale i mbôdlene bêhni, wee lisuk li bôt ba nôgôl bé miñañ minlam mi Nyambe l'a ba la? —1 Pétrô 4:17

Inyule ibale u mpahal ni nyo woñ le Yésu a yé Nwet, ndi u hém-lege ki ni ñem woñ le Nyambe a tugul nye ikété bawoga, wee w'a tohlana. Inyule ni ñem nyen mut a nhémlene inyu telepsép; ni nyo ki nyen a mpahlene inyu tohi.

—Róma 10:9, 10

Tonjee a ntañba Man, wee a gwé bé Isañ. Ndi mut a mpahal Man, nyen a gwé ki Isañ.

—1 Yôhanes 2:23

Inyule tonjee a nwél me ni bibanga gwem nyu, nyen yak Man mut a' wél nyu, ngéda a' lôl ikété lipém jé, ni li Isañ, ni li angel pubi.

—Lukas 9:26

Ni le hi yaga hilémp hi pahal le Yésu Kristô nyen a yé Nwet, le ndi Nyambe Tata a kôs lipém.

—Filipi 2:11

Hala nyen hi mut a mpahal me bisu bi bôt, yak me m'a pahal nye bisu bi Tata nu a yé ngi. Ndi tonjee a ntañba me bisu bi bôt, yak me m'a tañba nye bisu bi Tata nu a yé ngi.

—Matéô 10:32, 33

Banga ini i yé maliga le, ibale di bi wo ni nye, wee d'a niñ ki ni nye lôñ; ibale di nhônba, wee d'a ane ki lôñ yada ni nye; iba ki le di ntañba nye, ki yak nye a' tañba bés.

—2 Timôtéô 2:11, 12

Ni ambak manyu, ni yénak ki péé, inyule nkolba nan le nsohop a nhiôm kikii mbondo njéé le i nkônt, a yéñék nwet a mil.

—1 Pétrô 5:8

Ngo nyanmbén nu malôl mé ma yé kingéda ngui Satan a ñéba, ni lipém̄ba jolisôna, ni biyimbne, ni mam ma hélha ma bitembee.

—2 Tésalônika 2:9

Inyu yibil mis map le ba nyodi jiibe, ba témp mapubi, ba nyodi i ngui Satan, ba témp yak Nyambe, le ba kôs nwéhél bibéba ni ngababum ikété ba ba yé bapubhaga inyu héMLE ba nhémle me.

—Minson mi baôma 26:18

Ni Mbu a bedna Yésu ñoñ le a noodana ni nsohop. Yésu a kal nye le, A Satan, nyodi; inyule i yé ntilbaga le, U ôôbak bisu bi Nwet le Nyambe woñ, u gwéélak ndik nyetama. Ni nsohop a yék nye, ndi nun-ki, angel i lo gwélél nye.

—Matéô 4:1 ni 10, 11

Me nsôk kal le, bana yaga ngui i Nwet, ni ikété ngui lipém̄ba je. Engbana bijôl bi gwét bi Nyambe gwobisôna, le ndi ni la kolba dipa di nsohop.

—Efésô 6:10, 11

Inyule bijôl bi gwét gwés bi ta bé bijôl bi ba yés minsôn, ndi bi yé ngui mis ma Nyambe i bôk dikôya di gwét.

—2 Korintô 10:4

Hala kikii bon ba gwé matjél ni minsôn, wee yak nyemedé a yoñba jôga mukété nlélém hala, le ndi a nôñôl nyemp i yungus nu a gwé ngui nyemp, hala yé le nsohop.

—Lôk Héber 2:14

Mut a mboñ béba a yé nu nsohop, inyule nsohop a mboñ béba ilo yaga bibéé. Jon Man Nyambe a soola, le ndi a ôbôs minson mi nsohop.

—1 Yôhanes 3:8

Wee njee a' bagal ni bés ni gwéha Kristô? Ba njiiha, to bikuu, to ndéénga, to himala hi njal, to li-yep li mbot, to tjiba, to panson? Ndi ikété mam mana momasôna komol yés i yé balal ba ndamba inyu nu a gwés bés. —Rôma 8:35 ni 37

Jon suhlana bêbomedele Nyambe a ane bé; kolbana yaga nsohop, ndi a' ke bé ngwéé. Kôôgana bebe ni Nyambe, ndi yak nye a' kôôge bé bebe.

—Yakôbô 4:7, 8a

Ha ni nyen nyanmbén a' soola, nu Nwet le Yésu a' ôbôs ni nhébék nyo wé, a yungut ki nye i tihil a' tihil malôl mé. Ngo nyanmbén nu malôl mé ma yé kingéda ngui Satan a ñéba, ni lipémba jolisôna, ni biyimbne, ni mam ma hélha ma bitembee.

—2 Tésalônika 2:8, 9

To kinje ngéda mimbu mi nyega mi tehe nye, mi kwo bisu gwé, mi lont, mi kal le, U yé Man Nyambe.

—Markô 3:11

To me pot ya dilémp di bôt ni di angel, ndi me bana bé me gwéha, wee me yé nkéñ mamuna u nkuda, to bende i nloña maôô.

—1 Korintô 13:1

Ndi litam li Mbu li yé gwéha, ni maséé, ni nsañ, ni wongut, ni longeñem, ni liyômba, ni ñem hémle, ni ñemlima. —Galatia 5:22, 23a

A tiimba ki bat nye ngélé i nyô-nôs iba le, A Simôn, man Yôhanes, ba u ngwés me? A kal nye le, Ñ, a Nwet, u nyi le me nsinge we. A kal nye le, Téédaga mintômba nwem. —Yôhanes 21:16

Ibale ni ngwés me, n'a tééda matiñ mem. —Yôhanes 14:15

Ibale mut a nkal le, Me me ngwés Nyambe, ndi a ook maasañ, wee a yé ndik mut bitembee, inyule mut a ngwés bé maasañ nu a mal tehe, a nla bé gwés Nyambe nu a ma tehe bé. —1 Yôhanes 4:20

Hala nyen bôt bobasôna b'a yi le ni yé banigil bem, ibale ni ngwéhna. —Yôhanes 13:35

Bés di nyi le di malba ni nyemp, di yé niñ, inyule di ngwés lôktata. Mut a ngwéhna bé a yii ikété nyemp. —1 Yôhanes 3:14

Inyule gwéha Nyambe ini, le di tééda matiñ mé, ndi matiñ mé ma ta bé nledek. —1 Yôhanes 5:3

Bés di yé mbôgi inyu mam momasôna a bi boñ ikété loñ Lôk Yuda, ni Yérusalem; nye ki nyen ba bi nol, ba bi tômôl nye mbasa. Nyen Nyambe a bi tugul kel i nyônôs iaa, a boñ nye le a nene, ndi ha ni bôt bobasôna bé, ndik ni mbôgi bôt, i i bôk téba ni Nyambe, bés yaga, ba di bi je, di nyo lôñni nye, a ma tuge ikété bawoga.

—Minson mi baôma 10:39-41

Ndi Yésu a pule bañ tuge kel bisu i sondi, a bôk pémél Maria Magdaléna, nu a héa mimbu mimbe minsaambok. —Markô 16:9

Dilo juem di tagbe bañ, banigil bé ba ba ki mu ndap bo ni Tômas.

Yésu a jôp, makôga mayibga, a telep ikété yap, a kal le, Nsañ u ba ni bé. Ni nye a kal Tômas le, Sambal hino hioñ hana, nun-ki moo mem; sambal ki woo woñ, u ha wo mbai yem; u ba bañ nu ngitophémle, ndik nu a nhémle. Tômas a timbhe nye le, A Nwet wem, ni Nyambe wem.

—Yôhanes 20:26-28

Nyen a séma inyu mahôha més, a tuge ki, inyu kéla yés telepsép.

—Rôma 4:25

Inyule di nyi le, nu a tugul Nwet le Yésu, a' tugul yak bés lôñ yada ni Yésu, ni téé ki bés lôñ yada ni bé mbom yé.

—2 Korintô 4:14

Hodo, hodo, me nhomp bé le, ngeñ i nlo, yo yaga ini, ngéda bawoga b'a nôgôl kiñ Man Nyambe; ba ba nok b'a niñ. Ni hel bañ inyu jam lini; inyule ngeñ i nlo le bôt bobasôna ba yé soñ b'a nok kiñ yé, ndi b'a pam; ba ba bi boñ longe inyu bitugne bi niñ; ba ba bi boñ béba inyu bitugne bi mbagi.

—Yôhanes 5:25 ni 28, 29

Too ni nyi bé le, bés bobasôna ba di bi sôblana i Kristô Yésu, di bi sôblana ya i nyemp yé? Hala ni nyen di bi juba lôñ yada ni nye i sôble di bi sôblana i nyemp yé, le ndi kikii Kristô a tuglana ikété bawoga ni lipém li Isañ, wee yak bés di hiumlak ikété niñ di nkôs yondo

yondo. Inyule ibale di mal yila ñadbaga ni nye ikété nyemp i mpôna nyemp yé, ngo d'a ba ki ntiik baadbaga ni nye ikété bitugne bi mpôna bitugne gwé.

—Rôma 6:3-5

Ndi ibale Kristô a yé ikété nan, . . . mbu won u yé niñ inyu te-lepsép. Ndi ibale Mbu u nu a tugul Yésu ikété bawoga a nyén ikété nan, wee nu a tugul Kristô ikété bawoga a' niñis yak manyu manan ma ma nwo, inyu Mbu wé nu a nyén ikété nan. —Rôma 8:10, 11

Nu a tééba ni lipémba i ba Man Nyambe, kingéda Mbu pubha inyu bitugne bi bawoga, hala yé le, Yésu Kristô Nwet wés. —Rôma 1:4

Le ibale di mal tohlana moo ma baoo bés di gwélél nye ibabé woñi, ikété pubha ni telepsép bisu gwé dilo tjés tjodisôna. —Lukas 1:74, 75

Inyuhalá, a bagwéha, lakii di gwé makak mana, wee di pubus béhbomedé ni mam momasôna ma nkééhe bés minsôn ni mbu, ndi di yônôs pubha yés inyu woñi Nyambe. —2 Korintô 7:1

Me me nsôble bé ni malép inyu hielñem, ndi nu a nyik lo me mbus a nloo me ngui, me kôli bé me begée bitamp gwé; nyen a' sôble bé ni Mbu Mpabi ni hié. —Matéô 3:11

Kingéda bôkyi i Nyambe Tata, ikété pubha i Mbu, inyu manôgla

ni linwéhga li matjél ma Yésu Kristô. —1 Pétrô 1:2

Jon ibale mut a mpibus nyeme-de inyu gwom bi, wee a' ba yom ndap i lipém, mpabhaga, nu a kôli gwélél nwet ndap nkôôbaga inyu hi nson nlam. —2 Timôtéô 2:21

Ndi kikii nu a bi sébél bé a yé numpubi, wee yak békomedé ni ba bapabhaga ikété nya bihiumul yo-sôna. —1 Pétrô 1:15

Ndi hanano ni, lakii ni bi témp ngwélés i pes béba, ni yila ki mi-nkol mi Nyambe, wee ni gwé matam manan inyu pubha, ndi lisuk li yé niñ boga. —Rôma 6:22

Jo ni jon yak Yésu a sônôl njonok mbus nwemel nkoñ, le ndi a téé bôt bapubhaga ni matjél mé.

—Lôk Héber 13:12

Inyule a tep bés ikété yé nkoñ 'isi wo ngi hége, le di ba bapubhaga, ibabé lem bisu gwé ikété gwéha. Ni engep ki mut yondo, nu a bi héga i pôna Nyambe ikété télEPSÉP ni pubha i nlona maliga.

—Efésô 1:4; 4:24

Ndi mpômbô njel w'a koyop ha homa nu, yak ni nloñ; won w'a séblana le, Nloñ mpabhaga. Mut a yé nyega a'kil bé mu; w'a ba ndik inyu bakoblaga; ba ba nkil mu nloñ u, to ba ba ya ditégéé di bôt, b'a yôm bé.

—Yésaya 35:8

Ibale di mpahal bibéba gwés, a yé maliga, a téé ki sép i nwéhél bés bibéba, ni pubus bés inyu ngitelepsép yosôna.—1 Yôhanes 1:9

Lakii gwom bini gwobisôna gw'a tjiba hala, wee kinje ndôñ bôt ni nlama ba ikété bihiumul bapubhaga ni singe Nyambe ñem.

—2 Pétrô 3:11

Ligbana i bana nsañ ni bôt basôna, yak ni pubha, ibabé yo mut nye ki nye a' tehe bé Nwet.

—Lôk Héber 12:14

Ni engep ki mut yondo, nu a bi héga i pôna Nyambe ikété telepsép ni pubha i nlona maliga.

—Efésô 4:24

## BÔT YONOK NI MBU

I ba ni le bé ba ni yé bôt babe, ni nyi ti bon banan makébla malam, ngo Isoñ nan nu a yé ngi a' lôôha ti bôt ba nyagal nye Mbu Mpabi.

—Lukas 11:13

Ba soohe bañ, homa nu ba kod-bana a kahal nyenk; ni bobasôna ba yon ni Mbu Mpabi, ba añal banga Nyambe ni maként.

—Minson mi baôma 4:31

M'a ha Mbu wem ikété nan, me boñ ki bé le ni hiumul ikété matén mem; ndi n'a tééda matéak mem ni boñ mo.

—Ezékiel 36:27

Ndi bé ni ta bé isi ane minsôn, ndik isi ane Mbu, ibale i yé toi le Mbu Nyambe a nyén ikété nan.

Ndi ibale mut a gwé bé Mbu Kris-tô, wee a ta bé wé.

—Rôma 8:9

Ndi n'a kôs ngui ngéda Mbu Mpabi a' lôl ngi nan; n'a ba ki mbôgi yem.

—Minson mi baôma 1:8a

Inyule a bé longe mut, a yon ni Mbu Mpabi ni héMLE.

—Minson mi baôma 11:24a

Ni banigil ba yon ni maséé ni Mbu Mpabi.

—Minson mi baôma 13:52

Ndi nye, nyonok ni Mbu Mpabi, a bok mis ngi, a tehe lipém li Nyambe, Yésu ki a bak a téé woo walôm u Nyambe.

—Minson mi baôma 7:55

Yéhôva a yé bebe ni ba ba gwé miñem mi nyodop, a ntohol ki ba ba gwé miñem minsôhga.

—Tjémbi 34:19

Yéhôva a nkal le, Ngo bini bi yé gwom woo wem u hek, jon gwom bini gwobisôna bi téé hala. Ndi nu-nu nyen a yé mut m'a yimbe: nte-he-bikuu, nu ñem wé u nyodop, ni nu ñem u mbôô matjél inyu lipô-dôl jem.

—Yésaya 66:2

A bagwéha, ni egep bañ inyu hié hi manoodana hi ntoñbe ikété nan, we ngoňle nkén jam nyen a nkwél bé, ndi kikii ni gwé adna ni njonok Kristô, wee kona maséé, le ndi ni kon maséé ni sôbhe ki, ngéda masoola ma lipém jé. —1 Pétrô 4:12, 13

Ndi a' tos gwiiha gwobisôna mis map; nyemp y'a ba ha bé, to malep, to nlondok, to njiiha ki, b'a ba ha bé, inyule mam ma bisu ma mal tagbe.

—Masoola 21:4

Bôdôl Yéhôva ñem, u boñ ki longe, yén mu loñ, u jés ki wemedê ni maliga.

—Tjémbi 37:3

Mu nyen a mal tine bés makak ma yé tik ni ma ma nlôôha make-ñi, le ndi inyu yap ni yila bayoñngaba i libak li Nyambe, lakii ni bi pei nyega i yé nkoñ 'isi inyu minheña.

—2 Pétrô 1:4

Ndi nuna-ki, me yé ni bé dilo tjodisôna i pam lisuk li 'isi.

—Matéô 28:20b

Ndi ndék ngét Nyambe nu nsañ  
a' nyagat Satan isi makôô manan.

—Rôma 16:20a

Ndéénga i nu a téé sép i yé ngan-  
dak; ndi Yéhôva a nsôñ nye muké-  
té yosôna.

—Tjémbi 34:20

U yé wem. Ngéda w'a ba u nlôô  
malép, me yé ni we; to balom ya-  
ga, b'a milba bé we. Ngéda u ntag-  
bene hié, w'a lighana bé, to  
lindômbô li hié l'a toñbene bé we.

—Yésaya 43:2

Ndi di nyi ki le, mam momasôna  
ma mboñ nson lôñ yada inyu lon-  
ge i bôt ba ngwés Nyambe, hala  
yé le ba ba nséblana kingéda  
ngôôba yé.

—Rôma 8:28

Inyule lakii a son njonok ngéda  
nyemedé a kôs manoodana, wee a  
nla hôla bôt ba nkôs manoodana.

—Lôk Héber 2:18

Ngo manoodana ma ngwelek bé  
bé ndik ma ma mbéna gwel bôt.  
Ndi Nyambe a yé maliga, nu a'  
nwas bé bé le ni kôs manoodana  
ma nloo ngui nan, ndi ikéte  
manoodana a' néhne bé njel i to-  
hla mu, le ni bana ngui i hôンba  
mo.

—1 Korintô 10:13

Inyule di gwé bé prisi keñi i i nla  
bé nôgda njiiha bomp yés, ndigi i i  
mal noodana manjel momasôna  
nlélém yaga kikii bés, ibabé nye  
boñ béba.

—Lôk Héber 4:15

Nu a nk mol, m'a yilha nye jél ikété témpel Nyambe wem, a' pam ha bé kekikel; ndi m'a tila jôl li Nyambe wem munu nyu yé, ni jôl li nkoñ Nyambe wem, Yérusalem yondo, i i nlôl ngi yak Nyambe wem, i sôhôk, yak ni jôl jem li yondo.

—Masoola 3:12

Nu a nk mol, b'a ha nye bipuba bi mbot hala; m'a sas bé me ki to jôl jé i kaat niñ, ndi m'a pahal jôl jé bisu bi Tata, ni bisu bi angel yé.

—Masoola 3:5

Nu a nk mol, m'a ti nye kunde le bêhna nye di yén isi lôñ i yééne yem ane, kikii yak me me komol, ndi me yén isi bés Tata yééne yé ane.

—Masoola 3:21

Nu a nk mol a' kôdôl mam mana; m'a ba Nyambe wé, nye ki a' ba me man.

—Masoola 21:7

Nu a gwé maôô, a nok jam Mbu a nk al mintôñ. Nu a nk mol nyen m'a ti Mana ma sôli, m'a ti ki nye puba hibaña, yak ni jôl li yondo nkédlak ngi hibaña, li mut nye ki nye a nyi bé, ndigi nu a nkôs jo.

—Masoola 2:17

Ndi nu a nk mol, a yônhak ki minson nwem letee ni lisuk, m'a ti nye kunde ngi biloñ bipe.

—Masoola 2:26

Nu a gwé maôô a nok jam Mbu a nk al mintôñ. Nu a nk mol, m'a ti nye kunde i je e niñ, i i yé i Paradis Nyambe.

—Masoola 2:7

## 46 NYAMBE A PÔDÔS BÉS INYU I SAGAL MA BII

Ndi ba ba mal biina, me mbéhe bo, ndi ha memede bé me ndik Nwet, le nwaa a bagla bañ ni nlô wé. Ndi i ba ki le a bagla ni nye, wee a yén nso, to le a sangla ni nlôm; ni le, nlôm a héa bañ nwaa wé. Muda a kéñi ni nlô wé dilo tjo-disôna nlôm a yii nom; ndi ibale nlôm a nwo, wee a yé kunde i biiba ni nu a ngwés, ndi ndigi le, hala a ba i Nwet. —1 Korintô 7:10-11, 39

Inyule muda a gwé nlôm, mbén i nkañ nye ni nlô wé ntel nlôm a yii nom; ndi ibale nlôm a nwo, wee a nhohla ni mbén i bé kañ nye ni nlôm. Jon ibale muda a ñat nye-

mede ni munlôm numpe ngéda nlôm a yii nom, wee a' séblana le muda ndénk; ndi i ba ki le nlôm a nwo, wee a nyila kunde ni mbén i, le ndi a ba bañ muda ndénk ngéda a ñat nyemedé ni munlôm numpe.

—Rôma 7:2, 3

Tonjee a nhéa nwaa wé, a bii numpe, wee a nke ndénk; tonjee ki a mbii muda nlô wé a bi héa, wee a nke ndénk.

—Lukas 16:18

Ndi me me nkal bé le, Tonjee a nhéa nwaa wé handuk inyu ndénk yotama, wee a nyilha nye muda ndénk; tonjee ki a mbii nwahak muda, a nke ndénk. —Matéô 5:32

Ndi ibale me nke, me kôôbana  
bé homa, me nlo ki, me yoñ bé  
meeni, le homa me yéne, yak bé ki  
ni ba ha.

—Yôhanes 14:3

Me nhoo lo; kôbda yaga jam u  
gwé moo le mut a yoñ bañ ntut  
woñ.

—Masoola 3:11

Inyule tonjee a nwél me ni biba-  
nga gwem nyu ikété hiai hi ndénk  
ni hi béba hini, yak Man mut a'  
wél nye nyu ngéda a' lôl ikété li-  
pém li Isañ ni angel pubi.

—Markô 8:38

Ndi to le yimbne Man mut y'a  
nene ngi; ngéda i matén ma 'isi  
momasôna m'a ee, m'a tehe Man  
mut a nlôl ngi ont ngi ni lipémba  
ni lipém likeñi.

—Matéô 24:30

Ndi yak bé hônbana; lédhana  
miñem minan, inyule malôl ma  
Nwet ma gwé ni moo. —Yakôbô 5:8

Inyule kikii nwegnwek a nwek  
likôl, a tééga letee ni hiônk, hala ki  
nyen malôl ma Man mut m'a ba.

—Matéô 24:27

Ndi, a lôktata, i nsômbla bé ki le  
di tila i toñle bé inyu ngéda, to  
ngeñ. Inyule bêbomede ni nyi lon-  
ge longe le ngwa Nwet w'a lo kikii  
mut wip a yé a nlo juu.

—1 Tésalônika 5:1, 2

Ni Yésu a kal le, Me yé nye; ndi  
n'a tehe Man mut a yii i woo wa-  
lôm u Lipémba, a lok ni ont ngi.

—Markô 14:62

A bôt ba Galiléa, inyuki ni téé ni béngege ngi? Yésu nunu, nu a nyodi ni bé, a yôña ngi, a' temp ki hala kikii ni ntehe nye a nke ngi.

—Minson mi baôma 1:11

Ha nyen b'a tehe Man mut a nlôl ont ni lipém̄ba ni lipém̄ likeñi.

—Lukas 21:27

A bagwéha, di yé bon ba Nyambe hanano, ndi i yé ngi soolana bés kikii d'a ba. Di nyi le ngéda a' soola, d'a pôna nye, inyule d'a tehe nye kikii a yé. Ndi hi mut a gwé botñem ini ikété yé, a mpibus nyemedé kikii yak nye a yé mpubi.

—1 Yôhanes 3:2, 3

Nu a nyén péé, a téédaga mbot yé, le a tiga hiôm nso, ndi ba tehe

wonyu yé a yé nsaibak.

—Masoola 16:15

Yak bé yéna nkôôbaga; inyule Man mut a' lôl ngeñ ni hoñlak bé.

—Lukas 12:40

Inyule Man mut a' lo ikété lipém li Isañ ni angel yé; ndi to le a ntimbhe hi mut kingéda liboñok jé.

—Matéô 16:27

Ndi bés, titis yés nkoñ i yéne nyoo ngi; di ntéñbe ki bem Ntohol, Nwet le Yésu Kristô, nu a' lôl nyoo. Nyen a' héñha binenne bi nyu ini i nsuhus bés, le ndi i yila nlélém kikii nyu yé i yôni ni lipém, kingéda ngui a yé le a éba, le a suhus yaga mam momasôna isi yé.

—Filipi 3:20, 21

## BANGA NYAMBE

Ngi bo 'isi b'a tagbe, ndi  
bibanga gwem gw'a tagbe bé.

—Lukas 21:33

Inyule bipôdôl bi bapôdôl  
gwo ki gwo bi lo bé kekikel ni  
sômbôl mut nyemedé, ndi Mbu  
Mpabi nyen a ba gwel  
mahoñol ma bôt le ba pot jam  
li nlôl yak Nyambe.

—2 Pétrô 1:21

Tilna yosôna i nlôl ni  
Nyambe, i mbahal, inyule i  
nti maéba, i yoiyak, i béhge,  
i niigaga ki telepsép.

—2 Timôtéô 3:16

Banga yoñ i yé tungeñ i  
makôô mem, ni mapubi ma njel  
yem.

—Tjémbi 119:105

## SOOHE NI NWÉHÉL

Jon soohana ni lana le, a  
Tata wés nu a yé ngi, Jôl joñ li  
tééba lipubi. Ane yoñ i lo.  
Sômbôl yoñ i bôña 'isi kikii  
ngi. Ti bés koga i kôli ni bés  
len. Nwéhél bés bibéba gwés,  
kii yak bés di nwéhél bet ba  
mboñ bés béba. U éga bañ bés  
ikété manoodana, ndi tohol  
bés inyu mut mbe. (Inyule ane  
i yé yoñ, ni lipém̄ba, ni lipém̄  
mba ni mba. Amen.) Inyule  
ibale ni nwéhél bôt mahôha  
map, ki Isoñ nan nu a yé ngi a'  
nwéhél yak bé. Ndi ibale ni  
nwéhél bé bôt, ki to Isoñ nan  
a' nwéhél bé bé mahôha  
manan.

—Matéô 6:9-15

Scripture text from the Bible in Bassa used by permission of United Bible Societies Africa Regional Centre, Nairobi, Kenya.

---

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)